

VENDIM
Nr. 424, datë 26.6.2024

PËR MIRATIMIN E STRUKTURËS SË PAGAVE, NIVELEVE TË PAGAVE E SHTESAVE MBI PAGË, KOMPENSIMEVE DHE TRAJTIMEVE TË TJERA FINANCIARE TË PUNONJËSVE TË SISTEMIT SHËNDETËSOR, NË INSTITUCIONET SHËNDETËSORE, NË SISTEMIN E MINISTRISË PËRGJEGJËSE PËR SHËNDETËSINË, NË STRUKTURAT SHËNDETËSORE TË FORCAVE TË ARMATOSURA TË REPUBLIKËS SË SHQIPËRISË, TË DREJTORISË SË PËRGJITHSHME TË BURGJEVE DHE TË DREJTORISË SË PËRGJITHSHME TË POLICISË SË SHTETIT

Në mbështetje të nenit 100 të Kushtetutës dhe të shkronjës “a”, të pikës 2, të nenit 8, të ligjit nr. 35/2023, “Për kompetencat për caktimin e pagave, trajtimeve të tjera financiare dhe përfitimeve të të punësuarve në institucionet e administratës publike, si dhe të pagës bazë minimale në shkallë vendi”, me propozimin e zëvendëskryeministrit, Këshilli i Ministrave

VENDOSI:

1. Në fushën e veprimit të këtij vendimi përfshihen:

- a) personeli “mjekë dhe punonjës të tjerë me arsim të lartë” dhe personeli “technikë të shkencave mjekësore” në institucionet shëndetësore të sistemit të ministrisë përgjegjëse për shëndetësinë;
- b) mjekët në drejtoritë rajonale të Shërbimit Social Shtetëror dhe në institucionet e përkujdesjes sociale, të sistemit të ministrisë përgjegjëse për shëndetësinë;
- c) personeli “mjekë dhe punonjës të tjerë me arsim të lartë” dhe personeli “technikë të shkencave mjekësore” në Njësinë Mjekësore Ushtarake pranë Spitalit Universitar të Traumës;
- ç) personeli ushtarak “mjekë dhe punonjës të tjerë me arsim të lartë” dhe teknikë të shkencave mjekësore” në strukturat e Forcave të Armatosura të Republikës së Shqipërisë, vetëm për efekt të kryerjes së shërbimeve (rojë, gatishmëri, urgjencë);
- d) personeli civil “mjekë dhe punonjës të tjerë me arsim të lartë” dhe “technikë të shkencave mjekësore” në strukturat e tjera të Forcave të Armatosura të Republikës së Shqipërisë, të sistemit të Ministrisë së Mbrojtjes;
- dh) personeli i Njesisë së Helikopterëve të Transportit Mjekësor të ministrisë përgjegjëse për shëndetësinë, në strukturat e Ministrisë së Mbrojtjes;
- e) personeli “mjekë dhe punonjës të tjerë me arsim të lartë” dhe personeli “technikë të shkencave mjekësore” në institucionet e ekzekutimit të vendimeve penale dhe në Qendrën Spitalore të Burgjeve;
- ë) personeli civil “mjekë dhe punonjës të tjerë me arsim të lartë” dhe personeli “technikë të shkencave mjekësore” në strukturat shëndetësore të Drejtorisë së Përgjithshme të Policisë së Shtetit.

2. Në këtë vendim, termat e mëposhtëm kanë këto kuptime:

- a) “Mjek” përfshin të gjithë profesionistët e shëndetësisë, që janë të licencuar për ushtrimin e profesionit të mjekut nga “Urdhri i mjekut” apo “Urdhri i stomatologut” dhe që ushtrojnë profesionin e tyre si “mjek i përgjithshëm”, “mjek i specializuar” dhe “stomatolog”;
- b) “Punonjës të tjerë me arsim të lartë” përfshin punonjësit e profesioneve të ndryshme me arsim të lartë (referuar nivelit 6 dhe 7 të kornizës shqiptare të kualifikimeve), si farmacistë, kimistë, fizikanë, inxhinierë, biologë, specialistë të shëndetit publik, psikologë, punonjës socialë dhe specialistë të fizikulturës, të cilët janë pjesë e strukturave shëndetësore për parandalimin e sëmundjeve dhe trajtimin mjekësor të pacientëve;
- c) “Personeli teknik i shkencave mjekësore” përfshin të gjithë profesionistët, që janë të licencuar nga urdhri përkatës dhe që ushtrojnë profesionin e tyre, si: “fizioterapist”, “infirmier”, “logoped”,

“mami”, “ndihmësfarmacist”, “ndihmësanestezist”, “teknik imazherie”, “teknik laborator”, dhe punonjës të tjerë në strukturat shëndetësore, si: “prozektor”, “kujdestar” e “oksigjenist”.

3. Në institucionet dhe strukturat shëndetësore, pjesë e fushës së veprimit të këtij vendimi, përfshihen:

3.1 institucionet shëndetësore të shërbimit spitalor dhe të barazuara me to, për efekt page, të sistemit të ministrisë përgjegjëse për shëndetësinë dhe institucionet shëndetësore të shërbimit spitalor të sistemit të Ministrisë së Mbrojtjes, si:

- a) strukturat shëndetësore universitare;
- b) Njësia Mjekësore Ushtarake pranë Spitalit Universitar të Traumës;
- c) Qendra Spitalore Rajonale e Tiranës “Shefqet Ndroqi”;
- ç) spitalet e nivelit terciar;
- d) qendrat spitalore rajonale;
- dh) spitalet rajonale;
- e) spitalet psikiatrike;
- ë) spitalet bashkiake;
- f) spitalet ditore;
- g) Qendra Kombëtare e Transfuzionit të Gjakut;
- gj) Klinika Stomatologjike Universitare.

3.2 institucionet shëndetësore qendrore/kombëtare të sistemit të ministrisë përgjegjëse për shëndetësinë, si:

- a) Agjencia Kombëtare e Barnave dhe Pajisjeve Mjekësore;
- b) Instituti i Shëndetit Publik;
- c) Operatori i Shërbimeve të Kujdesit Shëndetësor dhe njësitë vendore të kujdesit shëndetësor;
- ç) Qendra Kombëtare Terapeutike dhe Rehabilituese për Fëmijët;
- d) Qendra e Inxhinierisë Biomjekësore;
- dh) Qendra e Shërbimeve Mjekësore;
- e) Qendra Kombëtare e Urgjencës Mjekësore.

3.3 Institucionet e ofrimit të shërbimit të kujdesit parësor të sistemit të ministrisë përgjegjëse për shëndetësinë.

3.4 Institucionet e shërbimit social shtetëror, të sistemit të ministrisë përgjegjëse për shëndetësinë, vetëm për mjekët, në:

- a) drejtoritë rajonale të Shërbimit Social Shtetëror;
- b) institucionet e përkujdesjes sociale.

3.5 Institucione të tjera të ofrimit të shërbimeve shëndetësore, si:

a) Qendra Spitalore e Burgjeve dhe shërbimet shëndetësore në institucionet e ekzekutimit të vendimeve penale, në sistemin e Drejtorisë së Përgjithshme të Burgjeve;

b) strukturat e shërbimit shëndetësor, pjesë e strukturave të Forcave të Armatosura të Republikës së Shqipërisë, të sistemit të Ministrisë së Mbrojtjes;

c) strukturat e shërbimit shëndetësor, në sistemin e Drejtorisë së Përgjithshme të Policisë së Shtetit;

ç) Njësia e Helikopterëve të Transportit Mjekësor, të ministrisë përgjegjëse për shëndetësinë, në strukturat e Ministrisë së Mbrojtjes.

4. Elementet përbërëse të pagës bruto mujore për punonjësit e institucioneve, pjesë e fushës së veprimit të këtij vendimi janë, si më poshtë vijon:

4.1 Për personelin e administrimit të përgjithshëm, nga “specialist” deri në “titullar institucioni”, të institucioneve pjesë e fushës së veprimit të këtij vendimi, me përjashtim të institucioneve të përmendura në nën pikën “3.5”, të pikës 3, të këtij vendimi:

a) paga për pozicion, që shpërblen vlerën relative të çdo pozicioni pune, është sipas lidhjeve përkatëse nr. 1 dhe nr. 3, që i bashkëlidhen këtij vendimi dhe janë pjesë përbërëse të tij;

b) shtesa e nivelit të kualifikimit, që shpërblen nivelin arsimor të kërkuar për pozicionin përkatës të punës. Vlera e shtesës së nivelit të kualifikimit për çdo grup diplome është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë, që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome.

4.2 Për personelin “mjekë dhe punonjës të tjerë me arsim të lartë” dhe për personelin “teknikë të shkencave mjekësore” në institucionet shëndetësore, të përcaktuara në nënpiakat 3.1, 3.2, 3.3 dhe 3.5, të pikës 3, të këtij vendimi, me përjashtim të personelit mjekësor me grada shkencore dhe tituj akademikë, të Institutit të Shëndetit Publik dhe të spitaleve universitare, të disa institucioneve të tjera shëndetësore, që gëzojnë statusin e qendrave kërkimore shkencore, si dhe me përjashtim të mjekëve në nënpiakën 3.4, të pikës 3, të këtij vendimi:

a) paga për pozicion, që shpërblen vlerën relative të çdo pozicioni pune dhe që është sipas lidhjeve përkatëse të këtij vendimi;

b) shtesa e nivelit të kualifikimit, që shpërblen nivelin arsimor të kërkuar për pozicionin përkatës të punës. Vlera e shtesës së nivelit të kualifikimit për çdo grup diplome është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë, që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome;

ç) shtesa për kushte pune, e përcaktuar sipas lidhjeve nr. 5 dhe nr. 6, që i bashkëlidhen këtij vendimi dhe janë pjesë përbërëse të tij;

d) shtesa për natyrë të veçantë pune, që aplikohet për disa pozicione që kanë një natyrë të veçantë, të përcaktuara në tekstin e këtij vendimi.

4.3 Për mjekët që janë punonjës efektivë me kohë të plotë në drejtoritë rajonale të Shërbimit Social Shtetëror, të cilët bëjnë vlerësimin e aftësisë së kufizuar dhe biopsiko-sociale dhe në institucionet e përkujdesjes sociale, pavarësisht specialitetit që kanë dhe të cilët janë përcaktuar në nënpiakën 3.4, të pikës 3, të këtij vendimi:

a) paga për pozicion, që shpërblen vlerën relative të çdo pozicioni pune, vlera e së cilës është e njëjtë me vlerën e pagës për pozicion të pozicionit “mjek i përgjithshëm që punon në specialitete”, e përcaktuar në pikën 3, të kreut VII, të lidhjes nr. 4, që i bashkëlidhet këtij vendimi dhe është pjesë përbërëse e tij;

b) shtesa e nivelit të kualifikimit, që shpërblen nivelin arsimor të kërkuar për pozicionin përkatës të punës. Vlera e shtesës së nivelit të kualifikimit për çdo grup diplome është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome.

4.4 Për mjekët me tituj e grada shkencore, të cilët janë punonjës efektivë me kohë të plotë, në spitalet universitare dhe në institucione të tjera shëndetësore, që gëzojnë statusin e qendrave kërkimore-shkencore, (në bazë të legjislacionit përkatës për arsimin e lartë dhe kërkimin shkencor, dhe të vendimit përkatës të Këshillit të Ministrave) në Institutin e Shëndetit Publik dhe në spitalin “Memorial” Fier, dhe për personelin “teknik i shkencave mjekësore”, në njësinë e ortopedisë në Spitalin Universitar të Traumës, elementet përbërëse të pagës bruto mujore janë, si më poshtë vijon:

a) paga bazë mujore e pozicionit të punës, e përcaktuar sipas titullit akademik apo gradës shkencore, sipas lidhjeve nr. 9 dhe nr. 10, që i bashkëlidhen këtij vendimi dhe janë pjesë përbërëse të tij;

b) shtesa për vjetërsi në punë, që aplikohet në masën 0.5% për çdo vit pune, por jo më shumë se 15 (pesëmbëdhjetë) vjet dhe llogaritet mbi vlerën e pagës bazë mujore të pozicionit të punës;

c) shtesa për kushte pune, që përcaktohet sipas lidhjeve nr. 9 dhe nr. 10, që i bashkëlidhen këtij vendimi dhe janë pjesë përbërëse të tij.

5. Vlerat e elementit “pagë për pozicion” dhe grupi i diplomës për punonjësit e administrimit të përgjithshëm, nga “specialist” deri në “titullar institucioni”, në institucionet e shërbimit

shëndetësor, të përcaktuara në nënpikën 3.1, të pikës 3, të këtij vendimi, janë sipas lidhjes nr. 1, që i bashkëlidhet këtij vendimi dhe është pjesë përbërëse e tij.

6. Vlerat e elementit “pagë për pozicion” dhe grupi i diplomës për personelin “mjekë dhe punonjës të tjerë me arsim të lartë” dhe “teknikë të shkencave mjekësore” në institucionet e shërbimit shëndetësor, të përcaktuara në nënpikën 3.1, të pikës 3, të këtij vendimi, janë sipas lidhjes nr. 2, që i bashkëlidhet këtij vendimi dhe është pjesë përbërëse e tij.

7. Vlerat e elementit “pagë për pozicion” dhe grupi i diplomës për punonjësit e administrimit të përgjithshëm, nga “specialist” deri në “titullar institucioni”, në institucionet shëndetësore të sistemit të ministrisë përgjegjëse për shëndetësinë, të përcaktuara në nënpikat 3.2 dhe 3.3, të pikës 3, të këtij vendimi, janë sipas lidhjes nr. 3, që i bashkëlidhet këtij vendimi dhe është pjesë përbërëse e tij.

8. Vlerat e elementeve “pagë për pozicion” dhe grupi i diplomës për personelin “mjekë dhe punonjës të tjerë me arsim të lartë” dhe “teknikë të shkencave mjekësore” në institucionet shëndetësore të sistemit të ministrisë përgjegjëse për shëndetësinë, të përcaktuara në nënpikat 3.2 dhe 3.3, të pikës 3, të këtij vendimi, janë sipas lidhjes nr. 4, që i bashkëlidhet këtij vendimi dhe është pjesë përbërëse e tij.

9. Vlerat e elementit “shtesë për kushte pune” për punonjësit e personelit “mjekë dhe punonjës të tjerë me arsim të lartë” në institucionet e përcaktuara në nënpikat 3.1, 3.2 dhe 3.3, të pikës 3, të këtij vendimi, janë sipas lidhjes nr. 5, që i bashkëlidhet këtij vendimi dhe është pjesë përbërëse e tij.

10. Vlerat e elementit “shtesë për kushte pune” për punonjësit e personelit “teknikë të shkencave mjekësore”, në institucionet e përcaktuara në nënpikat 3.1, 3.2 dhe 3.3, të pikës 3, të këtij vendimi janë sipas lidhjes nr. 6, që i bashkëlidhet këtij vendimi dhe është pjesë përbërëse e tij.

11. Vlerat e elementeve “pagë për pozicion”, grupi i diplomës dhe “shtesë për kushte pune” për punonjësit e personelit “mjekë dhe punonjës të tjerë me arsim të lartë” dhe “teknikë të shkencave mjekësore” në institucionet e tjera të ofrimit të shërbimeve shëndetësore, të përcaktuara në nënpikën 3.5, të pikës 3, të këtij vendimi, janë sipas lidhjes nr. 7, që i bashkëlidhet këtij vendimi dhe është pjesë përbërëse e tij.

12. Vlerat e elementeve “paga bazë mujore e pozicionit të punës” dhe “shtesë për kushte pune” për mjekët me tituj e grada shkencore, të cilët janë punonjës efektivë me kohë të plotë në spitalet universitare dhe në institucione të tjera shëndetësore, që gëzojnë statusin e qendrave kërkimore-shkencore, (në bazë të legjislacionit përkatës për arsimin e lartë dhe kërkimin shkencor e të vendimit përkatës të Këshillit të Ministrave) në spitalin “Memorial” Fier dhe për personelin “teknik i shkencave mjekësore” në njësinë e ortopedisë në Spitalin Universitar të Traumës, me gradën shkencore “Doktor”, janë sipas lidhjes nr. 9, që i bashkëlidhet këtij vendimi dhe është pjesë përbërëse e tij.

13. Vlerat e elementeve “paga bazë mujore e pozicionit të punës” dhe “shtesë për kushte pune” për mjekët dhe punonjësit e tjerë, me tituj e grada shkencore, të cilët janë punonjës efektivë me kohë të plotë në Institutin e Shëndetit Publik, janë sipas lidhjes nr. 10, që i bashkëlidhet këtij vendimi dhe është pjesë përbërëse e tij.

14. Pagat dhe shtesat mbi pagë për mjekët dhe punonjësit e personelit teknik të shkencave mjekësore, të cilët për një periudhë të caktuar kohore gjatë sezonit veror, jo më të gjatë se tre muaj, kontraktohen/caktohen me afat të caktuar në qendrat shëndetësore verore, që hapen si shtesë e qendrave shëndetësore dhe, që, në bazë të urdhrit të ministrit përgjegjës për çështjet e shëndetësisë, do të ofrojnë shërbim mjekësor të pandërprerë/24 orë, gjatë këtij sezoni, do të jenë si vijon:

14.1 Për mjekët:

a) paga për pozicion, që shpërblen vlerën relative të çdo pozicioni pune, vlera e së cilës është e njëjtë me vlerën e pagës për pozicion të pozicionit “mjek i përgjithshëm që punon në specialitete”, e përcaktuar në pikën 3, të kreut VII, të lidhjes nr. 4, që i bashkëlidhet këtij vendimi dhe është pjesë përbërëse e tij;

b) shtesa e nivelit të kualifikimit, që shpërblen nivelin arsimor të kërkuar për pozicionin përkatës të punës. Vlera e shtesës së nivelit të kualifikimit për çdo grup diplome është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome;

ç) shtesa për natyrë të veçantë pune, në masën 80 000 (tetëdhjetë mijë) lekë në muaj.

Mjekët, paga e të cilëve përcaktohet sipas shkronjave “a” deri në “ç”, të kësaj nënpike, gjatë kësaj periudhe nuk përfitojnë shtesa të tjera mbi pagë, si dhe nuk përfitojnë kompensimin për largësi nga vendbanimi, sipas përcaktimeve të ndryshme, të këtij vendimi.

14.2 Për punonjësit e personelit “teknik të shkencave mjekësore”:

a) paga e pozicionit, që shpërblen vlerën relative të çdo pozicioni pune, vlera e së cilës është e njëjtë me vlerën e pagës për pozicion të pozicionit “infermier/mami”, e përcaktuar në pikën 8, të kreut VII, të lidhjes nr. 4, që i bashkëlidhet këtij vendimi dhe është pjesë përbërëse e tij;

b) shtesa e nivelit të kualifikimit, që shpërblen nivelin arsimor të kërkuar për pozicionin përkatës të punës. Vlera e shtesës së nivelit të kualifikimit për çdo grup diplome është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë, që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome;

ç) shtesa për natyrë të veçantë pune, në masën 80 000 (tetëdhjetë) mijë lekë në muaj. Punonjësit e personelit “teknik të shkencave mjekësore”, paga e të cilëve përcaktohet sipas shkronjave “a” deri në “ç”, të kësaj nënpike, gjatë kësaj periudhe nuk përfitojnë shtesa të tjera mbi pagë, si dhe nuk përfitojnë kompensimin për largësi nga vendbanimi, sipas përcaktimeve të ndryshme, të këtij vendimi.

15. Mjekët e sistemit të ministrisë përgjegjëse për shëndetësinë, si dhe mjekët civilë të strukturave të Forcave të Armatosura të Republikës së Shqipërisë, të cilët, referuar detyrimin kontraktual me ministrinë përgjegjëse për shëndetësinë, kryejnë specializimin në strukturat spitalore universitare, gjatë kohës së specializimit trajtohen në pagë, si më poshtë vijon:

a) për specializantët “mjek familjeje” dhe “mjek urgjence”, në masën 100 për qind të pagës bruto mujore të mjekut të të njëjtit specialitet;

b) për specializantët e tjerë, në masën 80 për qind të pagës bruto mujore të mjekut të fushës, në të cilën kryhet specializimi.

16. Për punonjësit e personelit mjekësor, të cilët nuk janë efektivë me kohë të plotë në institucionet e shërbimit spitalor/parësor dhe në drejtoritë rajonale të Shërbimit Social Shtetëror dhe/apo në institucionet e përkujdesjes sociale, të cilët për shërbimin që kryejnë në këto institucione, kontraktohen me orë pune të caktuara, vlera e pagesës është, si më poshtë vijon:

16.1 Për punonjësit e personelit mjekësor në institucionet e shërbimit spitalor dhe parësor, të sistemit të ministrisë përgjegjëse për shëndetësinë e të sistemit të Ministrisë së Mbrojtjes, vlera e pagesës së një ore pune të kontraktuar është e njëjtë me vlerën orare të pozicionit të punës, për të cilin është kontraktuar.

16.2 Për mjekët, në drejtoritë rajonale të Shërbimit Social Shtetëror dhe në institucionet e përkujdesjes sociale, vlera e pagesës së një ore pune të kontraktuar është e njëjtë me vlerën orare të pozicionit “mjek i përgjithshëm që punon në specialitete”, e përcaktuar në pikën 3, të kreut VII, të lidhjes nr. 4, që i bashkëlidhet këtij vendimi dhe është pjesë përbërëse e tij. Paga bruto e këtij pozicioni, për efekt të llogaritjes së pagës orare, për këto raste, do të llogaritet si shumë e elementeve:

a) paga për pozicion, vlera e së cilës është e njëjtë me vlerën e pagës për pozicion të pozicionit “mjek i përgjithshëm që punon në specialitete”, e përcaktuar në pikën 3, të kreut VII, të lidhjes nr. 4, që i bashkëlidhet këtij vendimi dhe është pjesë përbërëse e tij;

b) shtesa e nivelit të kualifikimit, vlera e së cilës për çdo grup diplome, është sipas lidhjes nr. 8, që i bashkëlidhet këtij vendimi dhe është pjesë përbërëse e tij;

c) shtesa për vjetërsi në punë, që jepet në masën 2% pas çdo viti pune, deri në 25 (njëzet e pesë) vjet dhe llogaritet mbi vlerën e shtesës së nivelit të kualifikimit, për çdo grup diplome.

17. Masa e shtesës për natyrë të veçantë pune, për disa kategori të punonjësve të personelit mjekë dhe/apo teknikë të shkencave mjekësore përcaktohet, si më poshtë vijon:

17.1 Për mjekët e spitaleve në shërbimet e urgjencës, reanimacionit, hemodinamikës, në njësinë e aksidenteve cerebrale, si dhe për mjekët neonatë është në masën 18 000 (tetëmbëdhjetë mijë) lekë në muaj.

17.2 Për punonjësit “infermier”, “teknik imazherie” dhe “teknik laborator” të spitaleve në shërbimet e urgjencës, të reanimacionit dhe hemodinamikës, si dhe në njësinë e aksidenteve cerebrale është në masën 12 000 (dymbëdhjetë mijë) lekë në muaj.

17.3 Për mjekët, të cilët në zbatim të sistemit të referimit, dërgohen për konsulta dhe/apo për ndërhyrje kirurgjikale në spitale të tjera, përfitojnë për çdo ditë shërbimi një shtesë në pagë, si më poshtë vijon:

a) kur janë pjesë e strukturave shëndetësore universitare/terciare, në masën 10 000 (dhjetë mijë) lekë në ditë;

b) kur janë pjesë e strukturave shëndetësore të qendrave spitalore rajonale/spitaleve rajonale, në masën 5 000 (pesë mijë) lekë në ditë.

17.4 Për mjekët, të cilët, referuar statutit të qendrës shëndetësore, miratuar nga ministri përgjegjës për shëndetësinë, caktohen drejtues të qendrave shëndetësore:

a) në qendrat shëndetësore nr. 1 deri në nr. 10, në Bashkinë Tiranë, si dhe në qendrat shëndetësore të specialiteteve nr. 1 deri në nr. 3, në Bashkinë Tiranë, në masën 25 000 (njëzet e pesë mijë) lekë në muaj;

b) në qendrat shëndetësore në njësitë e tjera administrative, me vendndodhje në zonat urbane, në masën 15 000 (pesëmbëdhjetë mijë) lekë në muaj;

c) në qendrat shëndetësore në njësitë e tjera administrative, me vendndodhje në zonat rurale, në masën 5 000 (pesë mijë) lekë në muaj.

17.5 Për mjekët që mbulojnë mjekësinë familjare në qendrat shëndetësore të shërbimit parësor, në njësitë administrative në zonat rurale, të bashkive:

a) Pukë, Tropojë, Kukës, Has, Malësi e Madhe, Dibër, Bulqizë, në masën 15 000 (pesëmbëdhjetë mijë) lekë në muaj;

b) Mat, Mirditë, Gramsh, Librazhd, në masën 10 000 (dhjetë mijë) lekë në muaj.

17.6 Për mjekët që punojnë në institucionet shëndetësore me shtretër:

a) Pukë, Tropojë, Kukës, Has, Malësi e Madhe, Dibër, Bulqizë, në masën 5 000 (pesë mijë) lekë në muaj;

b) Mat, Mirditë, Gramsh, Librazhd, në masën 4 000 (katër mijë) lekë në muaj.

17.7 Pilotët dhe teknikët e strukturës së Njësisë së Helikopterëve të Transportit Mjekësor të ministrisë përgjegjëse për shëndetësinë, në strukturat e Ministrisë së Mbrojtjes, për çdo fluturim përfitojnë shtesën, në masën 1 500 (një mijë e pesëqind) lekë.

18. “Specialistët”, “përgjegjësit e sektorit” apo “drejtorët e drejtorive” të kujdesit shëndetësor të sistemit të ministrisë përgjegjëse për shëndetësinë, të cilët punojnë në pozicione, që lidhen me procesin e informatizimit të shërbimit shëndetësor dhe në strukturat biomjekësore dhe kërkojnë në mënyrë të detyrueshme diplomë universitare të nivelit “Master i shkencave”, “Master profesional”, “Bachelor” apo të barasvlershme me to, sipas legjislacionit të arsimit të lartë, në degët “inxhinieri elektronike”, “inxhinieri informatike”, “informatikë”, “inxhinieri telekomunikacioni”, “teknologji informacioni”, “informatikë ekonomike”, “informatikë biznesi”, “inxhinieri matematike informatike”, “shkenca kompjuterike”, “inxhinieri matematike” (në analiza sistemesh), “inxhinieri biomjekësore”, “inxhinieri mekatronike”, “inxhinieri fizike në mjekësi” përfitojnë shtesën për kushte pune në masën:

a) 7 500 (shtatë mijë e pesëqind) lekë në muaj për nëpunësit e strukturave të TIK-ut dhe atyre biomjekësore, të institucioneve qendrore të sistemit të ministrisë përgjegjëse për shëndetësinë,

qendrat spitalore universitare, Spitalin Rajonal “Memorial” Fier dhe në Qendrën Spitalore Rajonale të Tiranës “Shefqet Ndroqi”;

b) 5 000 (pesë mijë) lekë në muaj për nëpunësit e strukturave të TIK-ut dhe atyre biomjekësore, të spitaleve rajonale apo bashkiake, të sistemit të ministrisë përgjegjëse për shëndetësinë.

Zbatimi i shtesave, si më sipër për pozicionet konkrete, bëhet pas miratimit paraprak të ministrisë përgjegjëse për shëndetësinë, sipas përshkrimit të pozicionit të punës. Përfshihen nga ky parashikim nëpunësit e strukturave të TIK-ut të institucioneve të kujdesit shëndetësor të sistemit të ministrisë përgjegjëse për shëndetësinë, që janë bërë pjesë e strukturës dhe organikës së Agjencisë Kombëtare të Shqipërisë së Informacionit.

19. Mjekët dhe punonjësit e personelit teknik të shkencave mjekësore të institucioneve të sistemit të ministrisë përgjegjëse për shëndetësinë, si dhe mjekët, civilë e ushtarakë, të strukturave të Forcave të Armatosura të Republikës së Shqipërisë, për kryerjen e shërbimit të rojës, të gatishmërisë dhe urgjencës përfitojnë një shtesë, si më poshtë vijon:

19.1 Për mjekët:

a) për çdo shërbim rojë, 24 orë pa ndërprerje, masa e shtesës përcaktohet sipas institucioneve, si më poshtë vijon:

Në qendrat spitalore universitare	Mjek rojë i parë	Mjek rojë i dytë
për ditët e zakonshme	6 000 lekë	5 600 lekë
për ditët e shtuna	7 000 lekë	6 400 lekë
për ditët e diela e festat	8 000 lekë	7 600 lekë
Në institucionet e tjera	Mjek rojë i parë	Mjek rojë i dytë
për ditët e zakonshme	5 600 lekë	5 200 lekë
për ditët e shtuna	6 000 lekë	5 600 lekë
për ditët e diela dhe festat	7 000 lekë	6 600 lekë

b) për shërbimin e urgjencës së spitalit, që është organizuar dhe funksionon si i tillë, si dhe për shërbimin e urgjencës në qendrat shëndetësore të kujdesit parësor, që ofrojnë shërbim të pandërprerë për kohën që kryejnë shërbimin e urgjencës, masa e shtesës përcaktohet, si më poshtë vijon:

	Në ditët e zakonshme	Në ditët e shtuna	Në ditët e diela dhe të festave zyrtare
për sistemin 24 orë	2 300 lekë	2 400 lekë	2 700 lekë
për sistemin 16 orë	2 000 lekë	2 300 lekë	2 400 lekë
për sistemin 12 orë	1 800 lekë	2 000 lekë	2 300 lekë

c) për raste të tjera të veçanta, kur mjeku i rojës e sheh të domosdoshme thirrjen e mjekëve për veprime diagnostikuese apo mjekuese, masa e shtesës për vlerën orare të punës për çdo rast dhe numri i orëve shtesë është sipas përcaktimeve në Kodin e Punës të Republikës së Shqipërisë.

19.2 Për punonjësit e personelit teknik të shkencave mjekësore:

a) për shërbimin e urgjencës së spitalit, si dhe për shërbimin e urgjencës në qendrat shëndetësore të kujdesit parësor, që ofrojnë shërbim të pandërprerë për kohën që kryejnë shërbimin e urgjencës, u jepet një shtesë, në masën:

	Në ditët e zakonshme	Në ditët e shtuna	Në ditët e diela dhe të festave zyrtare
për sistemin 24 orë	1 700 lekë	2 100 lekë	2 500 lekë
për sistemin 16 orë	1 400 lekë	1 700 lekë	2 200 lekë
për sistemin 12 orë	1 100 lekë	1 400 lekë	1 700 lekë

b) për rastet kur, me kërkesë të institucionit dhe miratim të ministrisë përgjegjëse për shëndetësinë e të ministrisë përgjegjëse për mbrojtjen, punonjësve “teknik laborator” të spitaleve që kryejnë shërbim 24-orë, u jepet një shtesë mbi pagë, si më poshtë vijon:

për ditë të zakonshme	1 700 lekë
për ditët e shtuna	2 100 lekë
për ditët e diela dhe festa	2 500 lekë

c) Për raste të tjera të veçanta, kur mjeku i rojës e sheh të domosdoshme thirrjen e personelit “technik të shkencave mjekësore” për të ndihmuar në procesin e kryerjes së diagnostikimit apo të mjekimit, masa e shtesës për vlerën orare të punës për çdo rast dhe numri i orëve shtesë është sipas përcaktimeve në Kodin e Punës të Republikës së Shqipërisë.

19.3 Për shoferët e autoambulancave në ato qendra shëndetësore të kujdesit parësor, që ofrojnë shërbim të pandërprerë, në rastet kur kryejnë shërbim 24 orë, u jepet një shtesë, si më poshtë vijon:

	Në ditët e zakonshme	Në ditët e shtuna	Në ditët e diela dhe të festave zyrtare
për sistemin 24 orë	1 500 lekë	1 700 lekë	1 900 lekë
për sistemin 16 orë	1 300 lekë	1 500 lekë	1 700 lekë
për sistemin 12 orë	1 100 lekë	1 300 lekë	1 500 lekë

20. Mjekët, që janë efektivë me kohë të plotë në korpusin akademik të Universitetit të Mjekësisë Tiranë, të cilët njëkohësisht shërbejnë në institucione të ndryshme shëndetësore, për shërbimin që ofrojnë pranë këtyre strukturave përfitojnë një trajtim financiar, si më poshtë vijon:

a) kur shërbejnë në strukturat shëndetësore universitare dhe në Qendrën Spitalore Rajonale të Tiranës “Shefqet Ndroqi”, për shërbimin që ofrojnë pranë këtyre strukturave, në pozicionin “shef shërbimi”, masa e trajtimit financiar, sipas nivelit të kualifikimit shkencor përkatës, është:

1.	Grada shkencore/titulli akademik	Masa e trajtimit financiar (lekë në muaj)
1	Shef shërbimi me titullin “Profesor”	125 000
2	Shef shërbimi me titullin “Profesor i asociuar”	120 000
3	Shef shërbimi me gradën shkencore “Doktor”	117 000

b) kur shërbejnë në Institutin e Shëndetit Publik, në Qendrën Kombëtare të Transfuzionit të Gjakut dhe në Klinikën Stomatologjike Universitare, si dhe zotërojnë gradën shkencore “Doktor” apo titujt akademik “Profesor” dhe/ose “Profesor i asociuar”, për shërbimin që ofrojnë pranë këtyre strukturave, masa e trajtimit financiar të tyre është në vlerën 90 000 (nëntëdhjetë mijë) lekë në muaj.

21. Mjekët e sistemit të ministrisë përgjegjëse për shëndetësinë, të cilët, pas përfundimit të specializimit në spitalet universitare, në bazë të detyrimit kontraktual me ministrinë përgjegjëse për shëndetësinë, emërohen sipas nevojave të sistemit shëndetësor, larg vendbanimit të tyre, për një periudhë 3-vjeçare, përfitojnë një kompensim për kosto jetese, në masën 15 000 (pesëmbëdhjetë mijë) lekë në muaj, sipas specifikimeve që miratohen me udhëzim të ministrit përgjegjës për shëndetësinë, bazuar në shtrirjen territoriale të shërbimit spitalor. Këta punonjës nuk përfitojnë kompensimin për largësi nga vendbanimi, sipas përcaktimeve të këtij vendimi.

22. Punonjësit e personelit “technik të shkencave mjekësore”, të cilët punojnë në institucionet shëndetësore, larg vendbanimit të tyre, marrin një kompensim mujor, në masën, si më poshtë vijon:

22.1 Në qendrat shëndetësore të shërbimit parësor:

a) kur largësia, nga vendbanimi deri në qendrën shëndetësore është në distancën 5 km deri në 10 km, në masën 1 000 (një mijë) lekë në muaj;

b) kur largësia, nga vendbanimi deri në qendrën shëndetësore është në distancën mbi 10 km në 20 km, në masën 1 500 (një mijë e pesëqind) lekë në muaj;

c) kur largësia, nga vendbanimi deri në qendrën shëndetësore është në distancën mbi 20 km, në masën 3 000 (tre mijë) lekë në muaj;

22.2 Në institucionet shëndetësore me shtretër:

a) kur largësia, nga vendbanimi deri në spital është në distancën mbi 10 km në 20 km, në masën 1 500 (një mijë e pesëqind) lekë në muaj;

b) kur largësia, nga vendbanimi deri në spital është në distancën mbi 20 km, në masën 3 000 (tre mijë) lekë në muaj;

kur këta punonjës nuk kthehen në vendbanimin e tyre brenda ditës, 4 000 (katër mijë) lekë në muaj.

23. Titullarët e institucioneve, në varësi të ministrit për çështjet e shëndetësisë, me qëllim realizimin me efektivitet dhe eficiencë të misionit dhe objektivave të institucionit që drejtojnë, kanë të drejtë që për të marrë këshillimin e duhur për çështje specifike të kenë këshilltarë të jashtëm. Kontraktimi i këshilltarëve të jashtëm bëhet pas miratimit të ministrit përgjegjës për shëndetësinë. Paga e këshilltarëve të jashtëm bëhet nga llogaria ekonomike, e përcaktuar sipas udhëzimit përkatës të zbatimit të buxhetit të ministrit përgjegjës për financat dhe përcaktohet nga titullari përkatës, në masën deri në 110 000 (njëqind e dhjetë mijë) lekë në muaj.

24. Trajnimi i personelit mjekësor, personelit paramedikal dhe publikut të gjerë kryhet nëpërmjet veprimtarive të trajnimit që organizohen nga vetë Qendra Kombëtare e Urgjencës Mjekësore ose/dhe në bashkëpunim me Universitetin e Mjekësisë apo qendrat spitalore. Në rastet kur punonjësit e personelit mjekësor (me arsim të lartë) të Qendrës Kombëtare të Urgjencës Mjekësore marrin pjesë në veprimtaritë e trajnimit (si për personelin mjekësor ashtu edhe për personelin paramedikal dhe publikun e gjerë), të cilat organizohen nga vetë qendra, për çdo orë mësimi 60-minutëshe, përfitojnë trajtim me pagesë, si më poshtë vijon:

a) trajnerët me më pak se 10 (dhjetë) vite pune në profesion përfitojnë një pagesë, në masën 1 000 (një mijë) lekë për orë;

b) trajnerët me më shumë se 10 (dhjetë) vite pune në profesion përfitojnë një pagesë, në masën 1 500 (një mijë e pesëqind) lekë për orë;

c) trajnerët, të cilët janë punonjës efektivë të personelit “mjekë dhe punonjës të tjerë me arsim të lartë”, të Qendrës Kombëtare të Urgjencës Mjekësore, e përfitojnë këtë pagesë deri në 200 (dyqind) orë në vit, sipas përcaktimeve në Kodin e Punës të Republikës së Shqipërisë;

ç) në rastet kur trajnerët janë bashkëpunëtorë të jashtëm nga Universiteti i Mjekësisë apo nga qendrat spitalore, paga për orë/trajnimi do të jetë e njëjtë me trajnerët e brendshëm të qendrës.

25. Trajtimi financiar për punonjësit e palës turke të personelit të administrimit të përgjithshëm, të personelit mjekësor dhe të personelit teknik të shkencave mjekësore:

a) për një periudhë transitorë, në bazë të marrëveshjes dypalëshe, ndërmjet Republikës së Shqipërisë dhe Republikës së Turqisë, si dhe të vendimit nr. 58, datë 26.1.2022, të Këshillit të Ministrave, “Për miratimin e protokollit, ndërmjet Këshillit të Ministrave të Republikës së Shqipërisë dhe qeverisë së Republikës së Turqisë, për funksionimin e përbashkët të Spitalit Rajonal “Memorial” në Fier, gjatë fazës kalimtare”, pagat mujore bruto të punonjësve të palës turke:

i. të personelit të administrimit të përgjithshëm;

ii. të personelit mjekësor;

iii. të personelit teknik të shkencave mjekësore,

janë të njëjta me pagat mujore bruto të çdo pozicioni respektiv pune të personelit të palës shqiptare në institucionet shëndetësore me shtretër.

b) përveç pagës mujore bruto, të përcaktuar si më sipër, punonjësit e palës turke:

i. të personelit të administrimit të përgjithshëm;

ii. të personelit mjekësor;

iii. të personelit teknik të shkencave mjekësore,

përfitojnë një shpërblym mujor, në masën e përcaktuar në lidhjen nr. 11, që i bashkëlidhet këtij vendimi dhe është pjesë përbërëse e tij.

26. Për një periudhë transitorë, mjekët e qendrave shëndetësore të shërbimit të kujdesit parësor, të cilët ushtrojnë mjekësinë familjare, të cilët do të rezultojnë me pagë bruto mujore aktuale më të lartë nga sa përcaktohet në këtë vendim, do të trajtohen me pagë në ruajtje, si më poshtë vijon:

a) Në rastet e mbulimit aktual për banorë, pa përfshirë mbulimin për banorë të një mjeku tjetër, për shkak të mungesës së tij të përkohshme në punë për një periudhë të zgjatur, për mjekët që rezultojnë me pagë bruto mujore aktuale, më të lartë nga sa përcaktohet në këtë vendim, paga në ruajtje do të llogaritet si diferencë midis pagës bruto që përfitonin këta mjekë, përpara miratimit të këtij vendimi me pagën bruto mujore, sipas përcaktimeve të këtij vendimi;

b) Në rastet e mbulimit aktual për banorë, përfshirë edhe mbulimin për banorët e një zone të pambuluar me mjekë, për shkak të vendeve vakante, si dhe në zbatim të udhëzimit përkatës të ministrit përgjegjës për çështjet e shëndetësisë, për mbulimin e çdo zone me mjekë, për mjekët që rezultojnë me pagë bruto mujore më të lartë nga sa përcaktohet në këtë vendim, paga në ruajtje do të llogaritet si diferencë midis pagës bruto që përfitonin këta mjekë përpara miratimit të këtij vendimi me pagën bruto mujore, sipas përcaktimeve të këtij vendimi. Këta mjekë do të trajtohen me pagën në ruajtje, deri në plotësimin e vendit vakant.

27. Mjekët që do të punësohen për herë të parë në qendrat shëndetësore të shërbimit të kujdesit parësor, të cilët, në zbatim të udhëzimit përkatës të ministrit përgjegjës për çështjet e shëndetësisë për mbulimin e çdo zone me mjekë, do të ushtrojnë mjekësinë familjare, do të trajtohen me pagë, sipas përcaktimeve të lidhjeve përkatëse të këtij vendimi, dhe, në asnjë rast, nuk përfitojnë pagë në ruajtje, sipas përcaktimeve të pikës 26, të këtij vendimi.

28. Pagat e punonjësve mbështetës të institucioneve, që bëjnë pjesë në fushën e veprimit të këtij vendimi, përcaktohen në bazë të vendimit përkatës të Këshillit të Ministrave për pagat e punonjësve mbështetës të institucioneve të administratës publike.

29. Efektet financiare, që rrjedhin nga zbatimi i këtij vendimi, për vitin 2024, përballohen nga fondet buxhetore, të miratuara për vitin 2024, si dhe nga fondi i kontingjencës për rritjen e pagave, sipas përcaktimeve në ligjin nr. 97/2023, “Për buxhetin e vitit 2024”, të ndryshuar, për Ministrinë e Shëndetësisë dhe Mbrojtjes Sociale, për Ministrinë e Mbrojtjes, për Ministrinë e Drejtësisë, për Ministrinë e Brendshme dhe për Fondin e Sigurimit të Detyrueshëm të Kujdesit Shëndetësor.

30. Vendimi nr. 555, datë 11.8.2011, i Këshillit të Ministrave, “Për miratimin e strukturës dhe të niveleve të pagave të punonjësve të personelit mjekësor, të punonjësve të tjerë me arsim të lartë dhe të punonjësve të personelit teknik të shkencave mjekësore, në sistemin e ministrisë përgjegjëse për shëndetësinë, në Njësinë Mjekësore Ushtarake pranë Spitalit Universitar të Traumës, në strukturat e tjera të Forcave të Armatosura dhe në institucionet e ekzekutimit të vendimeve penale dhe spitalin përkatës”, i ndryshuar, si dhe çdo dispozitë tjetër, që bie në kundërshtim me këtë vendim, shfuqizohet.

31. Ngarkohen Ministria e Shëndetësisë dhe Mbrojtjes Sociale, Ministria e Mbrojtjes, Drejtoria e Përgjithshme e Burgjeve, Drejtoria e Përgjithshme e Policisë së Shtetit dhe Fondi i Sigurimit të Detyrueshëm të Kujdesit Shëndetësor për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare nga data 1 korrik 2024.

KRYEMINISTËR
Edi Rama

Lidhja nr. 1

Vlerat e elementeve “pagë për pozicion” për punonjësit e administrimit të përgjithshëm nga “specialist” deri në “titullar institucioni” në institucionet e shërbimeve shëndetësore të sistemit të ministrisë përgjegjëse për shëndetësinë, të përcaktuara në nënpikën 3.1, të pikës 3, të këtij vendimi

Nr.	Emërtimi	Grupi i diplomës	Paga për pozicion (lekë/muaj)
1	Titullar institucioni në QSU “Nënë Tereza”.	1	205,000
2	Titullar institucioni në: - Qendrën Spitalore Rajonale të Tiranës “Shefqet Ndroqi”. - Spitalin rajonal “Memorial” Fier. - Spitalin Universitar të Traumës Tiranë.	1	180,000

3	Titullar institucioni në: - Spitalin Universitar Obsetrik Gjinekologjik nr. 1 dhe nr. 2 Tiranë. Zëvendëstitullar institucioni: - në QSU “Nënë Tereza”.	1	170,000
4	Titullar institucioni në: - Klinikën Stomatologjike Universitare Tiranë. - Qendrën Kombëtare të Transfuzionit të Gjakut. Zëvendëstitullar institucioni në: - Qendrën Spitalore Rajonale të Tiranës “Shefqet Ndroqi”. - Spitalin Universitar të Traumës Tiranë. - Spitalin rajonal “Memorial” Fier.	1	160,000
5	Titullar institucioni në qendrat spitalore rajonale.	1	155,000
6	Titullar institucioni në: - Spitalet rajonale. - Spitalet psikiatrike. - Menaxher spitalor në spitalet universitare e rajonale (profili mjekësor /ekonomik). Konsulent mjekësor në spitalet universitare dhe terciare. Zëvendëstitullar institucioni në: - Spitalin Universitar Obsetrik Gjinekologjik nr. 1, nr. 2 Tiranë. - Klinikën Stomatologjike Universitare Tiranë. - Qendrën Kombëtare të Transfuzionit të Gjakut.	1	141,000
7	Titullar institucioni në spitalet bashkiake.	1	138,000
8	Titullar institucioni në spitalet ditore. Zëvendëstitullar institucioni në qendrat spitalore rajonale.	1	130,000
9	Zëvendëstitullar institucioni në spitalet rajonale/psikiatrike. Drejtor drejtorie në QSU “Nënë Tereza”.	1	121,000
10	Zëvendëstitullar në spitalet bashkiake/ditore. Drejtor drejtorie në: - Qendrën Spitalore Rajonale të Tiranës “Shefqet Ndroqi”. - Spitalin Rajonal “Memorial” Fier. - Spitalin Universitar të Traumës Tiranë.	1	115,000
11	Drejtor drejtorie në Spitalin Universitar Obsetrik Gjinekologjik nr. 1, nr. 2 Tiranë. Administrator për Polin e Administrimit të Integruar në QSU “Nënë Tereza”.	1	105,000
12	Përgjegjës sektori biomedikal në spitalet universitare.	1	100,000
13	Drejtor drejtorie në qendrat spitalore rajonale. Përgjegjës sektori në : - spitalet universitare. - Qendrën Spitalore Rajonale të Tiranës “Shefqet Ndroqi”. - në spitalin rajonal “Memorial” Fier.	1	95,000
14	Përgjegjës sektori në : - Qendrën Kombëtare të Transfuzionit të Gjakut. - Klinikën Stomatologjike Universitare.	1	90,000
15	Përgjegjës Sektori në qendrat spitalore rajonale.	1	85,000
16	Specialist në: QSU “Nënë Tereza”; Qendrën Spitalore Rajonale të Tiranës “Shefqet Ndroqi”, Spitalin Rajonal “Memorial” Fier.	1 ose 2 ose 3	85,000
17	Përgjegjës sektori në spitalet rajonale dhe psikiatrike.	1	80,000
18	Specialist në: - në Spitalin Universitar Obsetrik Gjinekologjik nr. 1, nr. 2 Tiranë. - Spitalin Universitar të Traumës Tiranë - Klinikën Stomatologjike Universitare Tiranë. - Qendrën Kombëtare të Transfuzionit të Gjakut.	1 ose 2, ose 3	80,000
19	Përgjegjës sektori në spitalet bashkiake/ditore.	1	70,000
20	Specialist në: - qendrat spitalore rajonale - spitalet rajonale dhe psikiatrike.	1 ose 2, ose 3	70,000

21	Specialist në spitalet bashkiake/ditore.	1 ose 2, ose 3	60,000
----	--	----------------	--------

Lidhja nr. 2

Vlerat e elementit “pagë për pozicion” për personelin “mjekë dhe punonjës të tjerë me arsim të lartë” dhe “teknikë të shkencave mjekësore”, në institucionet e ofrimit të shërbimit shëndetësor, të përcaktuara në nënpikën 3.1, të pikës 3, të këtij vendimi

Nr.	Emërtimi	Grupi i diplomës	Paga për pozicion (lekë/muaj)
Kreu I	Në spitalet universitare/terciare, në shërbimin universitar /terciar në Qendrën Spitalore Rajonale Tiranë “Shefqet Ndroqi” dhe në Njësinë Mjekësore Ushtarake pranë Spitalit Universitar të Traumës		
	Për personelin “mjekë dhe punonjës të tjerë me arsim të lartë”		
1	Drejtues mjekësor në QSU “Nënë Tereza”. Shef shërbimi.	1	160,000
2	Përgjegjës njësie/klinike/kabineti (mjek me specialitet) në shërbimin spitalor universitar/terciar.	1	146,000
3	Përgjegjës mjekësor në Qendrën Kombëtare të Transfuzionit të Gjakut (mjek me specialitet).	1	141,000
4	Mjekë me specialitet në: - shërbimin spitalor universitar/terciar. - Klinikën Stomatologjike Universitare. - Qendrën Kombëtare të Transfuzionit të Gjakut.	1	135,000
5	Shef/përgjegjës farmacie. Përgjegjës në sektorin e infeksioneve spitalore (mjek).	1	119,000
6	Mjek i përgjithshëm/Stomatolog në shërbimet klinike. Fizikant/ Biolog/ Kimist në: - në shërbimin spitalor universitar/terciar. - në Qendrën Kombëtare të Transfuzionit të Gjakut. Farmacist. Specialist i shëndetit publik (mjek në sektorin e infeksioneve spitalore).	1	113,000
7	Specialist i shëndetit publik (në sektorin e infeksioneve spitalore).	1 ose 2	96,000
8	Psikolog/punonjës social/specialist fizikulture.	1 ose 2	94,000
	Për personelin “teknik të shkencave mjekësore”		
1	Kryeinfermier i përgjithshëm. Kryemami i përgjithshëm.	1 ose 2 ose 3	85,000
2	Kryeinfermier shërbimi/njësie/klinike, në shërbimin infektiv në QSU “Nënë Tereza”. Kryeinfermier shërbimi/Klinike/Njësi Psikiatrike. Kryeinfermier shërbimi në Terapi Intensive/Onkologjik/Neurokirurgji. Kryelaborant në Histopatologji/Anatomi Patologjike. Kryeinfermier/Kryelaborant në Radioterapi/Imazheri dhe Mjekësi Nukleare. Kryeinfermier/kryemami njësie/klinike i Terapisë Intensive/Stroke dhe Poststroke. Kryeinfermier në Hemodinamikë/Kemioterapi.	1 ose 2 ose 3	82,000
3	Kryeinfermier shërbimi. Kryemami shërbimi. Kryelaborant shërbimi.	1 ose 2 ose 3	80,400
4	Infermier në Hemodinamikë.	1 ose 2 ose 3 ose 4 ose 5	80,400
5	Infermier/laborant në psikiatri. Laborant histopatolog. Infermier/mami në Reanimacion/Neonatologji. Infermier në Kimioterapi/dhomën e zgjimit.	1 ose 2 ose 3 ose 4 ose 5	77,500
6	Kryeinfermier njësie/klinike pranim në urgjencë. Kryeinfermier/ kryemami / kryelaborant.	1 ose 2 ose 3	70,100

7	Laborant radiolog në Onkologji. Laborant në Radioterapi/në Mjekësinë Nukleare. Laborant klinik biokimik. Laborant radiolog. Laborant në neurofiziologji. Infermier në Puntin e gjakut/ Hematologji/ Hemodializë/ Onkologji/Endoskopi/Toksikologji. Infermier/laborant bakteriolog /imunolog. Infermier njësie/klinike Radiologji/Angio CT. Teknik imazherie dhe Angio CT. Infermier në Kirurgji/Maksilofaciale/Neurokirurgji/ Kardiokirurgji/Djegje plastike. Infermier/mami në Obsetrikë/ Gjënekologji/Patologji barre/ Neonatologji. Infermier salle. Infermier/laborant në Qendrën Kombëtare të Transfuzionit të Gjakut.	1 ose 2 ose 3 ose 4 ose 5	70,100
8	Infermier në njësinë e radioterapisë dhe mjekësisë nukleare/ në litotripsi. Infermier në Shërbimin Infektiv në QSU “Nënë Tereza”. Infermier pranim urgjence (njësia e koordinimit të urgjencës). Infermier në fizioterapi. Laborant/infermier/mami/logoped. Prozektor.	1 ose 2 ose 3 ose 4 ose 5	69,000
9	Kujdestar. Oksigjenist.	1 ose 2 ose 3 ose 4 ose 5	60,000
Kreu II	Në shërbimet e tjera në qendrën spitalore rajonale Tiranë “Shefqet Ndroqi”, në qendrat spitalore rajonale, në spitalet rajonale/psikiatrike/bashkiake/ditore		
	Për personelin “mjekë dhe punonjës të tjerë me arsim të lartë”		
1	Zëvendësudrejtor mjekësor/ shef shërbimi (mjek me specialitet).	1	137,000
2	Përgjegjës njësie/klinike/ Kabineti/Poliklinike/Laboratori, (mjek me specialitet). Përgjegjës i Bankës së Gjakut.	1	124,000
3	Mjek me specialitet.	1	119,000
4	Përgjegjës/Shef farmacie.	1	113,000
5	Shef/përgjegjës njësie/klinike (mjek i përgjithshëm).	1	100,000
6	Mjek i përgjithshëm. Stomatolog. Farmacist. Kimist/fizikan/biolog.	1	96,000
7	Specialist i shëndetit publik (në sektorin e infeksioneve spitalore).	1 ose 2 ose 3	85,000
8	Psikolog, Punonjës social.	1 ose 2 ose 3	80,000
	Për personelin “teknik të shkencave mjekësore”		
1	Kryeinfermier i përgjithshëm. Kryeinfermier njësie/klinike në spitalet psikiatrike.	1 ose 2 ose 3	80,100
2	Kryeinfermier. Kryelaborant.	1 ose 2 ose 3	77,000
3	Laborant në Anatominë Patologjike.	1 ose 2 ose 3 ose 4 ose 5	75,000
4	Kryeinfermier në poliklinikën e spitalit.	1 ose 2 ose 3	69,000
5	Infermier/ laborant në Psikiatri. Infermier. Laborant. Fizioterapist. Logopedist. Përgjegjës turni. Ndihmësanestezist. Ndihmësfarmacist. Prozektor.	1 ose 2 ose 3 ose 4 ose 5	69,000
6	Kujdestar. Ndihmësinfermier. Oksigjenist.	1 ose 2 ose 3 ose 4 ose 5	60,000

Vlerat e elementeve “pagë për pozicion” për punonjësit e administrimit të përgjithshëm nga “specialist” deri në “titullar institucioni”, në institucionet shëndetësore të sistemit të ministrisë përgjegjëse për shëndetësinë të përcaktuara në nënpikat 3.2 dhe 3.3, të pikës 3, të këtij vendimi

Nr.	Emërtimet e pozicioneve të punës	Grupi i diplomës	Paga për pozicion (lekë/muaj)
1	Titullar institucioni në: - Operatorin e Shërbimeve të Kujdesit Shëndetësor, - Qendrën Kombëtare të Urgjencës Mjekësore, - Agjencinë Kombëtare të Barnave dhe Pajisjeve Mjekësore.	1	180,000
2	Titullar institucioni në: - Qendrën Kombëtare të Trajtimit dhe Rehabilitimit të Fëmijëve. - Qendrën Kombëtare të Inxhinierisë Biomjekësore.	1	170,000
3	Titullar institucioni në Qendrën e Shërbimeve Mjekësore. Zëvendësitar institucioni në: - Operatorin e Shërbimeve të Kujdesit Shëndetësor. - Qendrën Kombëtare të Urgjencës Mjekësore. - Agjencinë Kombëtare të Barnave dhe Pajisjeve Mjekësore.	1	155,000
4	Zëvendësitar institucioni në: - Qendrën Kombëtare të Trajtimit dhe Rehabilitimit të Fëmijëve. - Qendrën Kombëtare të Inxhinierisë Biomjekësore.	1	141,000
5	Titullar institucioni në drejtoritë rajonale të Operatorit të Shërbimeve të Kujdesit Shëndetësor.	1	135,000
6	Titullar institucioni në njësitë vendore të kujdesit shëndetësor me qendër në qarqe.	1	130,000
7	Drejtor në drejtoritë e përmbajtjes në: - Qendrën Kombëtare të Urgjencës Mjekësore. - Agjencinë Kombëtare të Barnave dhe Pajisjeve Mjekësore.	1	128,000
8	Titullar institucioni në njësitë vendore të kujdesit shëndetësor me qendër në bashki. Drejtor drejtorie në Drejtorinë Qendrore të Operatorit të Shërbimeve të Kujdesit Shëndetësor.	1	125,000
9	Drejtor në drejtoritë e përmbajtjes në Qendrën Kombëtare të Inxhinierisë Biomjekësore. Drejtor në drejtorinë mbështetëse në: - Qendrën Kombëtare të Urgjencës Mjekësore. - Agjencinë Kombëtare të Barnave dhe Pajisjeve Mjekësore.	1	115,000
10	Drejtor drejtorie në drejtoritë rajonale të Operatorit të Shërbimeve të Kujdesit Shëndetësor. Përgjegjës i sektorëve të përmbajtjes në: - Qendrën Kombëtare të Urgjencës Mjekësore. - Qendrën Kombëtare të Inxhinierisë Biomjekësore. Përgjegjës sektori në Drejtorinë Qendrore të Operatorit të Shërbimeve të Kujdesit Shëndetësor.	1	100,000
11	Përgjegjës i sektorëve mbështetës në: - Qendrën Kombëtare të Urgjencës Mjekësore, - Agjencinë Kombëtare të Barnave dhe Pajisjeve Mjekësore. - Qendrën Kombëtare të Trajtimit dhe Rehabilitimit të Fëmijëve. Përgjegjës sektori në: - Drejtoritë rajonale të Operatorit të Shërbimeve të Kujdesit Shëndetësor. - Njësitë vendore të kujdesit shëndetësor me qendër në qarqe.	1	90,000
12	Përgjegjës sektori në njësitë vendore të kujdesit shëndetësor me qendër në bashki. Specialist (inxhinier/IT/biomedikal) në Qendrën Kombëtare të Inxhinierisë Biomjekësore	1	85,000
13	Përgjegjës i sektorëve mbështetës në: - Qendrën Kombëtare të Inxhinierisë Biomjekësore. - Qendrën e Shërbimeve Mjekësore.	1	80,000

14	Specialist promocioni në Qendrën Kombëtare të Trajtimit dhe Rehabilitimit të Fëmijëve. Specialist, (niveli i parë) në Operatorin e Shërbimeve të Kujdesit Shëndetësor.	1 ose 2 ose 3	80,000
15	Specialist finance (nëpunës zbatues) në qendrat shëndetësore të specialiteteve /qendrat shëndetësore.	1	70,000
16	Specialist në: - Qendrën Kombëtare të Urgjencës Mjekësore; - Qendrën Kombëtare të Trajtimit dhe Rehabilitimit të Fëmijëve; - Agjencinë Kombëtare të Barnave dhe Pajisjeve Mjekësore; - Qendrën Kombëtare të Inxhinierisë Biomjekësore; - Qendrën e Shërbimeve Mjekësore; - Specialist, niveli i dytë në Operatorin e Shërbimeve të Kujdesit Shëndetësor.	1 ose 2 ose 3	70,000
17	Specialist në: - njësitë vendore të kujdesit shëndetësor; - qendrat shëndetësore të specialiteteve/qendrat shëndetësore.	1 ose 2 ose 3	65,000

Lidhja nr. 4

Vlerat e elementit “pagë për pozicion”, për personelin “mjekë dhe punonjës të tjerë me arsim të lartë” dhe “teknikë të shkencave mjekësore”, në institucionet shëndetësore të sistemit të ministrisë përgjegjëse për shëndetësinë, të përcaktuara në nënpikat 3.2 dhe 3.3, të pikës 3, të këtij vendimi

Nr.	Emërtimi	Grupi i diplomës	Paga për pozicion (lekë/muaj)
Kreu I	Qendra Kombëtare Terapeutike dhe Rehabilituese për Fëmijët		
1	Shef shërbimi (mjek me specialitet)	1	137,000
2	Mjek me specialitet	1	121,000
3	Mjek i përgjithshëm në shërbimin klinik	1	96,000
4	Specialist psikolog, punonjës social/pedagogji e specializuar	1 ose 2 ose 3	90,000
5	Terapist/ fizioterapist/logopedist	1 ose 2 ose 3	89,000
6	Kryeinfermier	1 ose 2 ose 3	76,000
7	Infermier	1 ose 2 ose 3 ose 4 ose 5	67,000
8	Kujdestar	1 ose 2 ose 3 ose 4 ose 5	60,000
Kreu II	Agjencia Kombëtare e Barnave dhe Pajisjeve Mjekësore		
1	Përgjegjës/Shef sektori në sektorët e përmbytjes për kontrollin e barnave dhe pajisjeve mjekësore.	1	113,000
2	Farmacist. Analist. Mjek. Inxhinier për pajisjet mjekësore. Inspektor për Kontrollin Farmaceutik	1	105,500
3	Laborant	1 ose 2 ose 3 ose 4 ose 5	77,000
Kreu III	Qendra e Shërbimeve Mjekësore		
1	Mjek me specialitet	1	119,000
2	Mjek i përgjithshëm. Stomatolog	1	96,000
3	Kryeinfermier	1 ose 2 ose 3	79,000
4	Infermier. Ndihmës stomatolog	1 ose 2 ose 3 ose 4 ose 5	67,000
Kreu IV	Qendra Kombëtare e Urgjencës Mjekësore		
1	Specialist (mjek i përgjithshëm)	1	115,000
2	Kryeinfermier urgjence	1 ose 2 ose 3	81,000
3	Infermier urgjence	1 ose 2 ose 3 ose 4 ose 5	78,000
Kreu V	Njësitë vendore të kujdesit shëndetësor		
1	Shef shërbimi (mjek me specialitet) që punojnë në shërbimet e shëndetit publik. Përgjegjës në shërbimet e	1	127,000

	shëndetit mendor me shtretër dhe shërbimet komunitare (mjek psikiatër).		
2	Shef shërbimi (mjek).	1	125,500
3	Mjek me specialitet që punojnë në shërbimet e shëndetit publik. Mjek psikiatër në njësitë vendore të kujdesit shëndetësor. Mjek psikiatër që punojnë në shërbimet e shëndetit mendor me shtretër dhe shërbimet komunitare.	1	119,000
4	Përgjegjës/shef në shërbimet e shëndetit mendor me shtretër dhe shërbimet komunitare (punonjës social psikolog).	1	105,000
5	Mjek. Stomatolog.	1	96,000
6	Psikolog/punonjës social që punojnë në shërbimet e shëndetit mendor.	1	82,000
7	Specialist në shërbimet e shëndetit publik. Specialist në sektorin e shërbimit parësor.	1 ose 2 ose 3	77,000
8	Kryeinfermier/kryevaksinator.	1	76,000
9	Teknik specialitetesh shëndetësore. Infermier/terapist në shërbimet e shëndetit mendor. Infermier.	1 ose 2 ose 3 ose 4 ose 5	69,500
Kreu VI Instituti i Shëndetit Publik			
1	Mjek me specialitet.	1	119,000
2	Laborant kimist, mikrobiolog, biokimist në njësinë e shëndetit dhe mjedisit dhe të vivariumit.	1 ose 2 ose 3 ose 4 ose 5	68,500
3	Laborant mikrobiologji teknike laborator/infermier në njësinë e epidemiologjisë dhe sëmundjeve infektive. Teknik imazherie.	1 ose 2 ose 3 ose 4 ose 5	66,500
Kreu VII Qendrat shëndetësore të kujdesit parësor			
1	Mjek të specializuar që punojnë në specialitete dhe në mjekësi familjare	1	124,000
2	Mjeko të përgjithshëm që punojnë në mjekësi familjare	1	110,000
3	Mjek i përgjithshëm që punon në specialitete	1	95,000
4	Kimist	1 ose 2 ose 3	75,000
5	Psikolog/punonjës social	1 ose 2 ose 3	72,000
6	Kryeinfermier/kryemami	1 ose 2 ose 3	69,000
7	Laborant bakterologjik / klinik biokimik, logoped. Infermiere (hematologji, onkologji). Laborant rëntgeni. Infermier ortopedi. Infermier/laborant në fizioterapi. Orthopist. Infermiere në kirurgjinë vazale	1 ose 2 ose 3 ose 4 ose 5	69,000
8	Infermier/mami. Ndihmës bakterolog	1 ose 2 ose 3 ose 4 ose 5	64,000
9	Ndihmës infermier	1 ose 2 ose 3 ose 4 ose 5	58,000

Lidhja nr. 5

Vlerat e elementit “shtesë për kushte pune” për punonjësit e personelit “mjekë dhe punonjës të tjerë me arsim të lartë” në institucionet e përcaktuara në nënpikat 3.1, 3.2 dhe 3.3, të pikës 3, të këtij vendimi

Nr.	Emërtimi	Shtesa për kushte pune (lekë/muaj)
Kreu I	Në spitalet universitare/terciare, në shërbimin universitar /terciar në Qendrën Spitalore Rajonale Tiranë “Shefqet Ndroqi” dhe në Njësinë Mjekësore Ushtarake pranë Spitalit Universitar të Traumës	
1	Shef shërbimi infektiv në QSU “Nënë Tereza”. Përgjegjës njësie/klinike në Shërbimin Infektiv (mjek me specialitet). Përgjegjës njësie/klinike në Psikiatri/Radioterapi/Mjekësi nukleare (mjek me specialitet). Mjek me specialitet në shërbimin infektiv në QSU “Nënë Tereza”. Mjek me specialitet në shërbimet psikiatrike. Psikolog/Punonjës social, specialist fizikulture në shërbimet psikiatrike.	8,000

2	Përgjegjës njësie/klinike në Reanimacion /Kemioterapi. Përgjegjës Laboratori. Përgjegjës i Qendrës së Diagnozës Molekulare (mjek me specialitet). Mjekë me specialitet në shërbimet e Reanimacionit/Mjekësi Nukleare/ Radiologji/Radioterapi/Neonatologji/Hemodinamikë/ Urgjencë. Fizikan në shërbimet Mjekësi Nukleare/ Radiologji/Radioterapi.	5,000
3	Mjekë me specialitet në shërbimet Kirurgji/ Onkologji/ Obsetrikë-Gjinekologji/ Fizioterapi/ Pneumofiziatri/ Toksikologji/Kemioterapi/ Laborator/ Hematologji/Pneumologji. Mjek me specialitet në Qendrën Kombëtare të Transfuzionit të Gjakut.	3,000
Kreu II	Në shërbimet e tjera në Qendrën Spitalore Rajonale Tiranë “Shefqet Ndroqi”, në qendrat spitalore rajonale, në spitalet rajonale/psikiatrike/bashkiake/ditore	
1	Shef Shërbimi Psikiatri. (mjek me specialitet). Përgjegjës njësie/klinike psikiatrie (mjek me specialitet). Mjek psikiatër/Mjek specialist në spitalet psikiatrike. Mjek i përgjithshëm/ Stomatolog / Farmacist/ Psikolog/Punonjës social në spitalet psikiatrike.	8,000
2	Mjekë me specialitet në shërbimet e Reanimacionit/Radiologji/ Neonatologji/ Hemodinamikë/ Urgjencë.	5,000
3	Shef Shërbimi në Infektiv (mjek me specialitet). Përgjegjës i Bankës së Gjakut/Njësisë së Imazherisë/ Pneumofiziatri/ Laboratori (mjekë me specialitete). Mjekë me specialitet në shërbimet Kirurgji/ Infektiv/Onkologji/ Obsetrikë- Gjinekologji/ Fizioterapi/ Transfuziologji/ Pneumofiziatri /Toksikologji/ Kemioterapi/ Laborator/ Hematologji	3,000
Kreu III	Në institucionet shëndetësore të sistemit të ministrisë përgjegjëse për shëndetësinë të përcaktuara në nënplikat 3.2 dhe 3.3, të pikës 3, të këtij vendimi	
	Në Agjencinë Kombëtare të Barnave dhe Pajisjeve Mjekësore	
	Përgjegjës/Shef sektori në sektorët për kontrollin e barnave. Farmacist. Analist. Mjek. Inxhinier për pajisjet mjekësore. Inspektor për Kontrollin Farmaceutik.	5,000
	Në Qendrën Kombëtare Terapeutike dhe Rehabilituese për Fëmijët	
	Shef shërbimi (mjek me specialitet)/Mjek me specialitet/Mjek në shërbimin klinik/Specialist psikolog /Punonjës social/Pedagogji e specializuar.	5,000
	Në njësitë vendore të kujdesit shëndetësor	
	Mjek/specialist në shërbimet e shëndetit publik.	7,000
	Përgjegjës/shef në shërbimet e shëndetit mendor me shtretër dhe shërbimet komunitare. Mjek psikiatër që punojnë në shërbimet e shëndetit mendor me shtretër dhe shërbimet komunitare. Psikolog/punonjës social që punojnë në shërbimet e shëndetit mendor.	5,000
	Në qendrat shëndetësore të kujdesit parësor	
	Mjek në: Fizioterapi, Kirurgji, Ortopedi, Pneumologji, ORL, Sëmundje Infektive, Gastro- hepatologji, Neurologji, Dermatologji, Psikiatri, Kardiologji, Alergologji, Nefrologji, Endokrinologji, Reumatologji, Okulistikë, Patologji, Urologji, Sëmundje profesionale, Hematologji, Onkologji, Mikrobiologji, Laborator, Obstetrikë- Gjinekologji, Pediatri, Radiologji. Kimist.	5,000

Lidhja nr. 6

**Vlerat e elementit “shtesë për kushte pune” për punonjësit e personelit “teknikë të shkencave mjekësore”,
në institucionet e përcaktuara në nënplikat 3.1, 3.2 dhe 3.3 , të pikës 3, të këtij vendimi**

Nr.	Emërtimi	Shtesa për kushte pune (lekë/muaj)
Kreu I	Në spitalet universitare/terciare, në shërbimin universitar /terciar në Qendrën Spitalore Rajonale Tiranë “Shefqet Ndroqi” dhe në Njësinë Mjekësore Ushtarake pranë Spitalit Universitar të Traumës	
1	Kryeinfermier i përgjithshëm. Kryemami i përgjithshëm. Kryeinfermier shërbimi/njësie/klinike në Shërbimin Infektiv në QSU “Nënë Tereza”.	8,000

	Infermier në shërbimin infektiv në QSU “Nënë Tereza”. Kryeinfermier shërbimi psikiatrik. Kryeinfermier klinike/Njësi Psikiatrike. Infermier/laborant/kujdestar në Psikiatri.	
2	Infermier në njësinë e radioterapisë dhe mjekësisë nukleare. Infermier në litotripsi. Laborant radiolog në Onkologji. Laborant në Radioterapi. Laborant në Mjekësinë Nukleare. Laborant histopatolog. Infermier në dhomën e zgjimit. Infermier/mami në shërbimet e Reanimacionit/Neonatologji.	3,000
Kreu II	Në spitalet rajonale/psikiatrike/bashkiake/ditore, në qendrat spitalore rajonale dhe personeli civil, teknik i shkencave mjekësore, në strukturat e tjera të Forcave të Armatosura të Republikës së Shqipërisë të sistemit të ministrisë së Mbrojtjes	
1	Kryeinfermier i përgjithshëm në spitalet psikiatrike. Kryeinfermier njësie/klinike në spitalet psikiatrike. Infermier/laborant/kujdestar në Psikiatri.	8,000
2	Laborant në Anatominë Patologjike.	5,000
Kreu III	Në institucionet shëndetësore të sistemit të ministrisë përgjegjëse për shëndetësinë të përcaktuara në nënpikat 3.2 dhe 3.3, të pikës 3, të këtij vendimi	
	Në Qendrën Kombëtare Terapeutike dhe Rehabilituese për Fëmijët	
	Terapist /fizioterapist/logopedist. Kryeinfermier. Infermier. Kujdestar.	5,000
	Në njësitë vendore të kujdesit shëndetësor	
	Infermier/terapist në shërbimet e shëndetit mendor.	5,000
	Në Institutin e Shëndetit Publik	
	Laborant mikrobiologji teknike laborator/ infermier në njësinë e epidemiologjisë dhe sëmundjeve infektive. Teknik imazherie.	8,000
	Laborant kimist, mikrobiolog, biokimist në njësinë e shëndetit dhe mjedisit dhe të vivariumit.	3,700
	Në qendrat shëndetësore të kujdesit parësor	
	Infermier hematologji/onkologji/laborant rëntgeni	3,000
	Infermier ortopedi. Infermier/laborant në Fizioterapi. Orthopist. Infermier në kirurgjinë vazale.	2,500

Lidhja nr. 7

Vlerat e elementeve “pagë për pozicion” dhe “shtesë për kushte pune” për punonjësit e personelit “mjekë dhe punonjës të tjerë me arsim të lartë” dhe “teknikë të shkencave mjekësore”, në institucionet e tjera të ofrimit të shërbimeve shëndetësore, të përcaktuara në nënpikat 3.5, të pikës 3, të këtij vendimi.

Nr.	Emërtimi	Grupi i diplomës	Paga për pozicion (lekë/muaj)	Shtesa për kushte pune (lekë/muaj)
Kreu I	Në Qendrën spitalore të burgjeve dhe në shërbimin shëndetësor në institucionet e ekzekutimit të vendimeve penale, në sistemin e Drejtorisë së Përgjithshme të Burgjeve			
1	Shef shërbimi	1	137,000	5,000
2	Mjek të specialiteteve të ndryshme	1	119,000	4,000
3	Mjek të përgjithshëm. Stomatolog. Farmacist.	1	96,000	4,000
4	Kryeinfermier	1 ose 2 ose 3 ose 4 ose 5	76,000	5,000
5	Infermier	1 ose 2 ose 3 ose 4 ose 5	67,000	5,000
Kreu II	Në Njësinë e Helikopterëve të Transportit Mjekësor të ministrisë përgjegjëse për shëndetësinë në strukturat e ministrisë së Mbrojtjes			
1	Kryepilot	1	105,000	10,000
2	Pilot	1	100,000	10,000
3	Teknik Helikopteri fluturues	1	90,000	

4	Teknik i përgjithshëm. Teknik elektrik.	1 ose 2 ose 3 ose 4 ose 5	60,000	
Kreu III	Për punonjësit civilë të personelit mjekësor dhe të personelit teknik të shkencave mjekësore, në strukturat e Forcave të Armatosura të Republikës së Shqipërisë, të sistemit të ministrisë së Mbrojtjes			
1	Mjek të specialiteteve të tjera	1	119,000	
2	Mjek i përgjithshëm	1	96,000	
3	Infermier	1 ose 2 ose 3 ose 4 ose 5	67,000	
Kreu IV	Për punonjësit e personelit mjekësor civilë, në strukturat e Drejtorisë së Përgjithshme të Policisë së Shtetit			
1	Shef shërbimi	1	137,000	
2	Mjek të specialiteteve të ndryshme	1	119,000	
3	Mjek të përgjithshëm. Stomatolog. Farmacist.	1	96,000	
4	Kryeinfermier	1 ose 2 ose 3 ose 4 ose 5	76,000	
5	Infermier/laborant	1 ose 2 ose 3 ose 4 ose 5	67,000	

Lidhja nr. 8

Vlera e shtesës së nivelit të kualifikimit

Grupi i diplomës		Niveli i kualifikimit sipas Kornizës Shqiptare të Kualifikimeve (KSHK)	Vlera e shtesës së nivelit të kualifikimit (lekë/muaj)
Për personelin “mjekë dhe të tjerë me arsim të lartë” dhe për personelin “teknikë të shkencave mjekësore”	1	Niveli 7 i KSHK-së (Master i shkencave. Master i arteve. “Master profesional të përfutur në fund të studimeve të ciklit të dytë, me 120 kredite dhe me kohëzgjatje normale 2 vite akademike.”. Të barasvlershme me to sipas legjislacionit të arsimit të lartë.)	14,000
	2	Niveli 7 i KSHK-së (Master profesional. Të barasvlershme me to sipas legjislacionit të arsimit të lartë.)	12,000
	3	Niveli 6 i KSHK-së (“Bachelor”. Të barasvlershme me to sipas legjislacionit të arsimit të lartë.)	10,000
Vetëm për punonjësit e personelit “teknikë të shkencave mjekësore”	4	“Diplomë e shkollës së mesme”	8,000
	5	“Dëftesë lirim” (arsimi 8/9-vjeçar) dhe kurse infermierie.	6,000

Lidhja nr. 9

Vlerat e elementeve “paga bazë mujore e pozicionit të punës” dhe “shtesë për kushte pune” për mjekë dhe teknikë të shkencave mjekësore, me tituj e grada shkencore, të cilët janë punonjës efektivë me kohë të plotë, në QSUNT, spitalet universitare, Qendrën Spitalore Rajonale të Tiranës “Shefqet Ndroqi”, spitalin “Memorial” Fier, si dhe në Klinikën Stomatologjike Universitare

	Kualifikimi/grada/titulli shkencor	Paga bazë mujore e pozicionit të punës (lekë/muaj)	Shtesë për kushte pune (lekë/muaj)
1	Shef shërbimi me titullin “Profesor”/“Profesor i asociuar”.	159,000	52,400
2	Shef shërbimi me gradën shkencore “Doktor (PHD)”	137,040	56,060
3	Profesor	155,400	51,700
4	Profesor i asociuar	135,000	55,100
5	Mjek me gradën shkencore “Doktor (PHD)”	116,040	64,060
6	Teknik i shkencave mjekësore (në njësinë e ortopedisë në SUT) me gradën shkencore “Doktor (PHD)”	94,000	15,000

Lidhja nr. 10

Vlerat e elementeve “paga bazë mujore e pozicionit të punës” dhe “shtesë për kushte pune” për mjekët dhe punonjësit e tjerë, me tituj e grada shkencore, të cilët janë punonjës efektivë me kohë të plotë, në Institutin e Shëndetit Publik

Nr.	Pozicioni	Paga bazë mujore e pozicionit të punës	Shtesë për kushte pune (lekë/muaj)
1	Zëvendës titullar institucioni me titujt “Profesor”/ “Profesor i asociuar”	167,520	10,000
2	Zëvendës titullar institucioni me gradën shkencore “Doktor (PHD)”	159,000	10,000
3	Përgjegjës i Njesisë bazë me titujt “Profesor”/“Profesor i asociuar”	159,000	10,000
4	Përgjegjës i Njesisë bazë me gradën shkencore “Doktor (PHD)”	137,040	10,000
5	Përgjegjës sektori me titujt “Profesor”/“Profesor i asociuar”	159,000	10,000
6	Përgjegjës sektori me gradën shkencore “Doktor (PHD)”	137,040	10,000
7	Profesor	155,400	10,000
8	Profesor i asociuar	135,000	10,000
9	Doktor (PHD)	116,040	10,000

Lidhja nr. 11

Shpërblimi për punonjësit e personelit të caktuar nga pala turke në Spitalin Rajonal “Memorial” Fier dhe për punonjësit e personelit të palës turke të caktuar në pozicionet “Menaxher spitalor në spitalet universitare e rajonale”

Nr.	Emërtimi i pozicionit	Masa mujore e shpërblimit (lekë/muaj)
1	Nëndrejtor (mjekësor)	270,000
2	Nëndrejtor (ekonomik)	227,000
3	Shef shërbimi	282,800
4	Mjekë të specialiteteve të ndryshme	305,600
5	Farmacist	172,000
6	Kryeinfermier i përgjithshëm	233,600
7	Teknikë të shkencave mjekësore/ infermier në hemodinamikë	188,200
8	Përgjegjës sektori	102,000
9	Specialist	110,000
10	Teknik biomedikal	100,000
11	Teknik të profile të ndryshme	110,000
12	Menaxher spitalor në spitalet universitare e rajonale (mjekësor)	295,000
13	Menaxher spitalor në spitalet universitare e rajonale (ekonomik)	250,000